

**2018
SÜMI**

Total marks : 90

Time : 3 hours

General instructions:

i) *Approximately 15 minutes is allotted to read the question paper and revise the answers.*

ii) *The question paper consists of 24 questions. All questions are compulsory.*

iii) *Marks are indicated against each question.*

iv) *Internal choice has been provided in some questions.*

N.B: *Check that all pages of the question paper is complete as indicated on the top left side.*

KOKÜPPHA – A (Akipphi)

1. Hi aqhou yehpuakeu akivishi phino inju akeu khochile lo:

Timi lakhi kinnikülü shi xüachekemi, Pa je Thochiu ache. Pa ye ashi hatomi lakhi. Pa tsü shihatsü lakhi Shihato ache. Atsüno pa sasü ashi hauwukelo igghono müggha, pama khilehimu kumsa akilo wochemo.

Ghulo lakhi pamma achequ hasüsü avelo ilove eno kushuwono atsü ngo apuh pama dolo atono bideve. Shihato no achequ hasüsü mkakuki lo ilove. Atsüno khalau igha peghi aye Thochiu no pa tsü ghügha chilu eno alou igha ilo aye chimlave.

Thochiu no tipau alo ighilu. Pano pa tsü kuamu ipeghi moveke ghenguno pa tsü saluniye alou ilokeloye atu hiphano patsü pama shotaluve. Tilehino Thochiu no atu liphavilo, “Itsü pipiveni khaqhitsu” pi. Kuchono atu liphano khaqhitsu kelono pano ipeveniye kuto ikemu atu liphano khaluve. Athiu ghi titoi shi ikemu atu liphano khaqhi tsümove. Tighenguno ashekhalo pa no pa kuolo achi akeu ngo akühaghi kümstsü lekhope pa tsü kuolo tsühavetsü pu “Shihato, niye womlava ake inanu hi pewo ozza tsülo. Noh ye alaghi lo timi cheghi aye ala phelo ilovelu. Eno vejoi wono ozza vilo ighilo pilo. Tithiu atu liphano khaqhi tsüke pa tsü likhi puwove.

Shihato no itshü süsü akilo ananu püsü ighi. Tilehino azzano atsü sasü huke. Atsüno pazza sahu kichetsüke Azzano ‘Thochi’, noye khilau ani kea? ipi inju. Thochi no kishékullu li vilopi. Eno atsala toku kulolo alibe suhu pu tsüche. Eno ghulo lakhi ye aghami sahu atu liphavilo chuhula niye pükapütssa kemu shimlave. Eno Thochiu no abazu no ngomlave. Tighenguno atu liphavilo lo aki kitila ghipheve tsü keu ki lono aghau shino ye ipeve. Thochiu no pani pu vilo, “Ino ashiha ghulokilo I-Thochi I-Thochi He-he-he-pi atsü kiya chenani pive.” Thochi ye aghawu shiueve.

- | | | |
|-----|---|-------|
| (a) | Kinnikülü shi xuchekeu je khiu kea? | 1 |
| (b) | Pa tsü je khiu eno khilau no kiu shilu chekea? | 2 |
| (c) | Pama khilau kelono kishive kea? Pama dolo khitohi ave kea? | 1+1=2 |
| (d) | Pa tsü phu süsü kiu lo ilono kiu shive kea? | 1 |
| (e) | Paye kishi azza lau patsü puwo kea? Azza ye atsala khijehi kuto lo pukapütssa ju kea? | 2 |
| (f) | Thochiu, Shihato hikuma ye kiu kea? | 1+1=2 |

KOKÜPPHA – B (Akiyye)

2. **Lakhi likhi yelo atsathi 100-150 dolono. Chili kiye.**
- a. Ghili kiyye ‘Amikucho kikishe’ (*Clean election*)
- Momu** 6
- b. Kukuptsa (Dialogue writing). Ikhonhei keu lono Shikükkau no kipphimi akipphi kilo munu ighi keu sasü küpütsa keu yeh lo.
3. **Hipau dolo lakhi likhi yelo:**
- a. **Yehkümzü (Copy editing) eno ngo michi gghi süno yehlo:**
- Kughengu i no xu akeu ye wove keu lomu xu amoe ikemu ishi ghenguno kughengu no no itehi xü akeu lo omllö süno xüaye no ye alokiwumi lakhi ake tileno no no ithulu nani asayelli logghi xülu kepu ani kungulo ayepu ani eno asayehlli lo shiyehqo muto aghüshi ani.
- Momu** 4
- b. Kuküssü lakhi atshathi 50 lono no ye now kipphiki lo aghili sports lo Captain. Aphughilo aghili lo ajuaje akemi pa/li vilo ighino aghili ghili qhokipphe tsü peni keu yeh lo.

KOKÜPPHA – C (Tsayeh eno Pekikide)

4. **Jeshe achipiu pe atsajoh kümsalo shepichi tsülo:**
- | | | |
|-----|----------------------------------|---|
| (a) | Hiye _____ tsayeh. | 1 |
| (b) | Lino mujothi _____ chue. | 1 |
| (c) | Itimi _____ kümtsü nguno akiviu. | 1 |
| (d) | Timi _____ thiveni pütsa. | 1 |
| (e) | Hiye _____ kakku kea? | 1 |
5. **Hi aqhou atsah küqü akeu shikümzü tsülo:**
- | | | |
|-----|--|---|
| (a) | Anhemgha hupama hilau khepuwolo. | 1 |
| (b) | Kuhukupu lono izü ighi kemi hakusa. | 1 |
| (c) | Azza ye achuquakusho kughuthi ani. | 1 |
| (d) | Shikükkau no Kitoshi vilo pi “Vinoli okujo ighi kepu shia ke”. | 1 |

- (e) Alhou pelono gghi o kümghatsü peni! 1
6. **Sulekutho hipaqa kiqu yehlo:**
- (a) Ajiba kikimu kuha 1
- (b) Atsübaxa, lo ikulo 1
- (c) Achequti azzapolo lakithi 1
- (d) Amiqha lo küzü wudu 1
- (e) Akuhu lache 1
7. **Sumi tsahlo pekide suvelo:** 5

Sometimes it's appropriate to put someone else's need before our own. This is the meaning of sacrifice. Along with sacrifice comes some discomfort; perhaps some pain. This is what makes sacrifice a value to live by.

KOKÜPPHA – D (Tsaiko)
Kughakiche

8. Alelu kishi lo kishi akichiu ayitü dolo kije chekea? 1
9. Sümi ayehlütüghiu ye khiu pama kea aje yeh lo. 2
10. 'Joyhagor' ye kiu, khiu no kiu ghengu lono mlah tsü kea? 2
11. Kalalishi ye kiu lono akükkau ngonga sasü külakupu shilu kea? Pa nipu je yehlo. 3
12. Kushiye Hebo ngo chisho pama dolo kimithikille che kea? 3
13. Ni Sümi khiu pe Sumi Paul kiqu lono xü ithughi ke pi cheni kea? Pa ye atüghilo kiu kümlah mlah chekea? 2+2=4
14. a. Godadhar ye khuno timi eno paye kiu shike lono Konyak limi sah auve kea? Pamipu pama je yehlo. 5
- Momu**
- b. *Nokujo aqhutssü lakhi veqhilu nani, ikemu aquh veqhini keu azah kuha. Pano pa pelo atüghishi hawulo ipi. Ike pano amüqü jeli shino atssü lakhi kütashi hapheno veqhiluve. Akisshe kümzapu patsü pa kusau ye shimlano aquh veqhivetsüno igghono kujove.*
- (i) Nokujo ipi akeu ye khiu ngo khiu pama pi akea? (1)
- (ii) Khiu no khiu pelo atüghiu shi aqhu veqhi peni keu pikea? (1)
- (iii) Atssü kishiala shino veqhilu keu ye khiu kea? (1)

- (iv) Akisshe kümzapu patsü khiu no akishe khuu tsü kea? (1)
 (v) Aquh veqhive tsü keu ye khiu kea? (1)

Leshe

15. Azüküzü kinnih lo kiu shicheghi keu alojimi no ithulu kea? 1
16. Tüghünakha kimi pama je yehlo. 2
17. Viyishe papuh je khiu pa nu je khiu kea? 2
18. Hevishe khiu nnoqhemi shi ake lono apuh thive kea? Papuh thikuzumi ye kishi pachepu pama peitha kea? 3
19. Anguku khijehi xapusu aghikelono khiu no wo ithulu no Tughunakha xalu kea? 3
20. *Kusakussho shelo sakulumi kehu*
Yehppe puzu niki küzü
Nashi pu ani ye kuto aye nguno
- (i) Khiu no leshe lono pi anikea? 1
 (ii) Kusakussho shelo ipi akeu ye kiu pi anikea? 1
 (iii) Yehppe püzü niki küzü, nashi puani khiu no kiu ghengu lono pi anikea? 2
21. a. Shekupu lakhi yeh lo: Azüküzü kinnih 5
Momu
 b. Hiye khiu nno leshe lono kiu pi ani kea?
“O hoishe inu Ilhoshe no gghi, Alokivi shi auve ye shimlave ala!
O hoishe! Ino alah kutaue.” (1+4=5)

Lotsüh Kiyeye

22. Lhophekitthekütsü-u ghili ye khiu no; kiu nipe lono pekide tsü kea? 1+1=2
23. Niye amhiyeho jekepu ani ipi, akeu ye khiu no khuu vilo pi kea? Pa vilo khe aghilo pi kelo khiu sasü kusholu kea? 3
24. a. Appu no muchomi lakhi sholu keu je ye khiu kea? Appu ye kiu pesü chighilo saje lakhi kiqu lono patsü kea? Amuchou ye kiu pesu appu tsü kea? Akiqhi ghi yeh lo. 1+2+2=5

Momu

b. *Kakkupa lono akulaghilo ishi yeh pe tsüqhipe pua, alhikishi ki hipau lo atsah jeli picheni. Pa no ampeu ithulu kelo pa vilopi, “No no pulo aye Ino alashego ayina shikimithewe tsüni” Hipau me achuqupu itsülo.*

- (i) Khiu no khile ighi kea? (1)
- (ii) Pa no amipeu ithulu hiye khiu no kheu ithulu kea? (2)
- (iii) *“No no pulo aye Ino alashego shikimithewe tsüni, tipau me achuqupu itsülo.”* Khiu no khiu vilo pi ani kiu shiveno achuqupu khu akea? (2)
